

## REGLUGERÐ

### um innflutnings- og gjaldeyrisleyfi.

#### 1. gr.

Innflutningur annarra vara en hér eru taldar á eftir skal vera frjáls:

Tollskrá	
Kafli	Nr. Vörutegund:
	01.01.00—
	01.06.29 Lifandi dýr.
	02.01.10—
	02.01.50 Kjöt og ætir hlutir af dýrum þeim, er teljast til nr. 01.01—01.04, nýtt, kælt eða fryst.
	02.02.00 Kjöt og ætir hlutar (þó ekki lifur) af alifuglum (hænsnum, öndum, gæsnum, kalkúnnum og perluhænum), nýtt kælt eða fryst.
	02.03.00 Lifur úr alifuglum, ný, kæld, fryst, söltuð eða í saltlegi.
	02.04.09 Annað kjöt og ætir hlutar af dýrum, nýtt, kælt eða fryst.
	02.05.00 Svínafita án kjöts og alifuglafita (óbrædd og ópressuð), ný, kæld, fryst, söltuð, í saltlegi, þurrkuð eða reykt.
	02.06.10
	02.06.20 Kjöt og ætir hlutar af dýrum (þó ekki alifuglalifur), saltað, í saltlegi, þurrkað eða reykt.
	04.01.00—
	04.07.00 Mjólkurafurðir, fuglaegg, ætar afurðir úr dýraríkinu, ót. a.
	07.01.10 Kartóflur, nýjar.
	07.01.20 Tómatar, nýir.
	09.01.11
	09.01.20 Kaffi, brennt, einnig kaffieinsneytt, kaffiskurn og kaffihýði, kaffilíki, sem inniheldur kaffi.
Úr	11.01.25
Úr	11.01.26 Rúgmjöl, þó ekki hálsigtimjöl.
	15.01.00 Hreinsuð svínafeiti, önnur svínafeiti og alifuglafeiti, brædd eða pressuð.
	15.02.00 Feiti af nautgripum, sauðfé og geitum, óbrædd; einnig slík feiti brædd eða pressuð (þar með talin „premier jus“).
	15.03.00 Svínafeitisterín (lardstearín), oleosterín (pressutólg), svínafeitisolía, oleomargarín, tólgarolía, hvorki jafnblönduð, blönduð né unnin á annan hátt.
	15.13.00 Smjörlíki, tilbúin svínafeiti (imitation lard) og önnur tilbúin matarfeiti.
	16.01.00 Pylsur og þess háttar vörur úr kjöti eða öðrum sláturafurðum og dýrablóði.
	16.02.00 Aðrar vörur úr kjöti eða öðrum sláturafurðum, tilreiddar eða niðursoðnar.
	17.01.21—
	17.01.22 Molasykur.
	17.01.23—
	17.01.24
	17.01.28 Strásykur.

## Tollskrá

Kafli Nr. Vörutegund:

- 17.04.01  
17.04.03—  
17.04.09 Sykurvörur, sem kakaó er ekki í, þó ekki möndlumassi í 10 kg blokkum og stærri.
- Úr 18.06.09 Súkkulaði og aðrar neytluvörur, sem er í kakaó.
- Úr 21.07.09 Tilbúinn rjómi, mjólk og mjólkurduft, svo og rjóma- og mjólkurís.
- 22.03.00 Ol gert úr malti.
- 22.04.00 Drúfusafi í gerjun og drúfusafi, sem í er stöðvuð gerjun með öðru en etanóli.
- 25.23.00 Portlandsement, alúmínatsement, slaggsement og annað hydrólískt sement, einnig litað eða sem sementsgjall.
- 27.09.00 Jarðolia og skífuolia, óhreinsaðar.
- 27.10.10 Jarðolia hreinsuð að nokkru, þar með talin „topped crude“.
- 27.10.29 Annað benzín en flugvélabenzín.
- 27.10.40 Gasolía (distillate fuel).
- 27.10.50 Brennsluolía (residual fuel).
- Úr 85.01.09 Spennar (transformatorar), þó ekki rafsuðuspennar.
- Úr 94.01.09 Stólar og önnur sæti (þar með taldir svefnsófar o. þ. h.) og hlutar til þeirra, þó ekki sæti, er teljast til nr. 94.02 og sæti í farartæki.
- 94.03.09 Önnur húsgögn og hlutar til þeirra.
- 94.04.00 Rúmbotnar, dýnur, púðar og þess háttar stoppaður húsbúnaður, með fjöðrum eða bólstraður, eða hið innra úr hvers konar efni eða úr blásnu gúmmíi, frauð- eða svampgúmmíi, eða úr blásnu plasti, frauð- eða svamplasti, einnig með yfirklaði (t. d. dýnur, stungnar ábreiður, sængur, æðardúnssængur, sessur, púðar og koddar).
- 96.01.00 Sópar og burstar úr hrísi og öðrum jurtaefnum, aðeins samanbundin, en ekki fest á haus, með eða án skafts.
- Úr 96.02.01
- Úr 96.02.09 Aðrir sópar, penslar og burstar, þó ekki gúmmíþvögur á skafti, skaftþvögur o. þ. h., ót. a.

Þrátt fyrir ákvæði 1. mgr. þessarar gr. ber innflytjendum að gæta ákvæða laga og annarra reglugerða um bann við innflutningi eða varúðarráðstafanir í sambandi við hann, svo sem vegna smitunarhættu.

**2. gr.**

Gjaldeyrisleysi þarf fyrir greiðslum til útlanda, öðrum en þeim, sem taldar eru hér á eftir:

1. Opinber ríkisútgjöld, svo sem vextir og afborganir lána, kostnaður við utanríkisþjónustu og greiðslur til alþjóðastofnana.
2. Greiðslur vegna þjónustu pósts og síma.
3. Erlendur kostnaður gjaldeyrisbankanna.

**3. gr.**

Umsóknir um gjaldeyris- og/eða innflutningsleyfi fyrir vörum og greiðslum, sem ekki eru frjálsar skv. 1. og 2. gr. hér að framan, skulu sendar viðskiptabönkum þeim, sem rétt hafa til að verzla með erlendan gjaldeyri.

Þegar um innflutning frílistavöru gegn gjaldfresti er að ræða, ber innflytjanda,

áður en varan er send af stað frá útlöndum, að gera viðskiptabanka, sem rétt hefur til að verzla með erlendan gjaldeyri, grein fyrir væntanlegum innflutningi og semja um greiðslufyrirkomulag vörunnar.

#### 4. gr.

Viðskiptabönkum er heimilt að binda kaup einstakra vörutegunda við opinber vörukaupalán, ef þær eru fáanlegar samkvæmt slíkum lánum. Á þetta einnig við um vörur, sem ætlaðar eru til sams konar nota og vörur, sem kaupa má samkvæmt slíkum lánum.

#### 5. gr.

Til tollafgreiðslu þeirra vara, sem taldar eru í 1. gr. þessarar reglugerðar, þarf innflutningsleyfi, en heimilt skal að flytja inn án innflutningsleyfis eftirtaldar vörur, enda þótt þær falli undir eitthvað tollskrárnr., sem talið er í 1. gr.:

1. Fatnað og aðrar ferðamannanauðsynjar, sem tilheyra farþegum, sem koma til landsins frá útlöndum, að svo miklu leyti, sem tollstarfsmenn telja farangur þennan til eigin afnota á ferðalaginu.
2. Vörur, sem sjómenn eða flugmenn flytja sjálfir með sér í fari sínu til persónulegra nota hlutaðeiganda eða skyldmenna hans og keyptar eru fyrir hinn svonefnda áhafnagjaldeyri, þó ekki yfir 5000 kr. verðmæti í hverri ferð, enda hafi þeir verið lengur í ferð en 20 daga. Tilsvarandi udanþága fyrir þá, sem skemur hafa verið í ferð, er kr. 1500 við hverja komu.
3. Vörur, sem endursendar eru hingað frá útlöndum, vegna þess að þær seldust ekki, eða eru endursendar hingað af öðrum orsökum, enda séu færðar þær sannanir eða líkur, sem tollyfirvöld taka gildar, fyrir því, að um sé að ræða vörur útfluttar héðan.
4. Vörur, sem ætlaðar eru til afnota fyrir sendiherra erlendra ríkja og aðra, sem samkvæmt lögum og venju njóta hér tollfrelsis eftir nánari reglum, sem fjármálaráðherra setur.
5. Gjafir og aðrar sendingar, sem sönnur eru færðar á, að sendar séu hingað án þess að greiðsla komi fyrir.

#### 6. gr.

Reglugerð þessi, sem sett er samkvæmt lögum nr. 30 25. maí 1960, um skipan innflutnings- og gjaldeyrismála, öðlast þegar gildi. Jafnframt er úr gildi numin reglugerð nr. 35 19. febrúar 1970, um innflutnings- og gjaldeyrisleyfi.

*Viðskiptaráðuneytið, 5. janúar 1973.*

**Lúðvík Jósefsson.**

*Þórhallur Ásgeirsson.*